

তারিখঃ ০১/০৯/২০২১ (পৃঃ ১২)

নতুন ১১ জাতের ফসল চাষের অনুমোদন

■ যাযাদি ডেস্ক

বঙ্গবন্ধু ধান-১০০সহ ধানের মোট ৬টি নতুন জাত, গমের দুটি, একটি পাট ও দুই জাতের আখ চাষের অনুমোদন দিয়েছে সরকার।

জাতীয় বীজ বোর্ডের (এনএসবি) ১০২ থেকে ১০৫তম সভায় অনুমোদনের পর এই জাতগুলো ছাড় করে গত ২৩ আপস্ট কৃষি মন্ত্রণালয় থেকে প্রজ্ঞাপন জারি করা হয়। পরে ২৫ আপস্ট প্রজ্ঞাপনটির গেজেট জারি হয়।

প্রজ্ঞাপনে বলা হয়, বাংলাদেশ ধান গবেষণা ইনস্টিটিউটের (ব্রি) বঙ্গবন্ধু ধান-১০০, ব্রি ধান-৯৯, ব্রি ধান-৯৮, ব্রি ধান-৯৭, ব্রি ধান-৯৬ এবং বাংলাদেশ পরমাণু কৃষি গবেষণা ইনস্টিটিউটের (বিনা) বিনা ধান-২৪ চাষাবাদের জন্য উনুকৃত করে দেওয়া হয়েছে।

এছাড়া বাংলাদেশ গম ও ভুট্টা গবেষণা ইনস্টিটিউটের (ডব্লিউএমআরআই) উদ্ভাবিত ডব্লিউএমআরআই গম-৩ এবং ডব্লিউএমআরআই গম-২ জাত সারাদেশে চাষাবাদ করা যাবে।

একইসঙ্গে বাংলাদেশ পাট গবেষণা ইনস্টিটিউটের (বিজেআরআই) বিজেআরআই দেশি পাট-১০ এবং বাংলাদেশ সুপারক্রপ গবেষণা ইনস্টিটিউটের (বিএসআরআই) বিএসআরআই আখ-৪৮ ও বিএসআরআই আখ-৪৭ সারাদেশে চাষের জন্য অনুমোদন দেওয়া হয়েছে।